

N A C R T

Na osnovu člana 2. Zakona o osnovama sigurnosti saobraćaja na putevima u Bosni i Hercegovini ("Službeni glasnik BiH" broj 6/06), člana 8. stav 3. alineja 16. Zakona o principima lokalne samouprave u Federaciji Bosne i Hercegovine («Službene novine FBiH» broj 49/06) i člana 25. stav 1. tačka 2. Statuta Općine Zavidovići ("Službeni glasnik Općine Zavidovići" broj 5/2008 i 5/a/2008) Općinsko vijeće Zavidovići na 13.sjednici održanoj 08.08.2009.godine donijelo je

O D L U K U

o izmjenama i dopunama Odluke o bezbjednosti i organizaciji saobraćaja na cestama općine Zavidovići

Član 1.

U članu 26. stav 1. Odluke o bezbjednosti i organizaciji saobraćaja na cestama općine Zavidovići („Službeni glasnik općine Zavidovići“ broj 6/2008) riječi „udruženja boračkih populacija“ zamjenjuje se riječima „pravno lice“.

Član 2.

U članu 26. iza stava 2. dodaje se novi stav 3. koji glasi: „Općinski načelnik će donijeti pravilnik kojim će bliže regulisati postupak raspisivanja javnog oglasa za dodjelu parkirališta, podnošenje prijava na javni oglas, sadržaj prijava, imenovanje i sastav komisije, nadležnost komisije, kriterije za odabir najpovoljnijeg kandidata za dodjelu parkirališta, pravo na pravni lijek, zaključivanje ugovora i ostala pitanja značajna za provođenje postupka dodjele parkirališta pravnim licima radi pružanja usluga i održavanja javnih parkirališta uz naplatu, rezervaciju parking prostora za stanare i vlasnike poslovnih prostora“.

Član 3.

U članu 72. stav 2. iza alineje 7 dodaje se nova alineja 8 koja glasi: „u ulici „dr. Pinkasa Bandta“ na lokalitetu pješačkog mosta „DUGA“.

Član 4.

U članu 73. stav 1. iza alineje 8. dodaje se nova alineja 9. koja glasi: „u ulici "Stjepana Radića"- jedan poseban objekat i to na lokaciji od ulaza u dvorište JU «Opća gimnazija» do raskrsnice ulica «Stjepana Radića», «35. divizije» i «Sarajevska».

Član 5.

Ova Odluka stupa na snagu prvog dana od dana objavljivanja u «Službenom glasniku Općine Zavidovići».

OPĆINA ZAVIDOVIĆI
- OPĆINSKO VIJEĆE -

PREDSJEDAVAJUĆI
OPĆINSKOG VIJEĆA

Broj: 01-27-3167/09
Datum, 08.08.2009.godine

ing. Radosav Petrović